

Broj: 03-34-2354/22
Mostar, 21. 7. 2022. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r gosp. Izmir Hadžiavdić, sekretar
Hamdije Kreševljakovića br. 3
71000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 25-07-2022			
Org. jed.	Broj	Priloga	Vrijednost
05/2	-02-	240	1/22

Predmet: Pitanje delegata u Domu naroda Parlamenta Federacije Bosne i Hercegovine Damira Marjanovića, odgovor, dostavlja se

VEZA: Vaš akt broj 05/2-02-02-240/22 od 13. 7. 2022. godine

Poštovani,

Federalno ministarstvo obrazovanja i nauke je 18. 7. 2022. godine zaprimilo Vaš akt, broj i datum gornji, kojima nas obavještavate da je na 19. sjednici Doma naroda Parlamenta Federacije Bosne i Hercegovine, održanoj 7. 7. 2022. godine, delegat Damir Marjanović postavio delegatsko pitanje. U prilogu gore navedenog akta ste nam dostavili izvod iz neautoriziranog magnetofonskog snimka sjednice Doma naroda u kome je sadržano delegatsko pitanje.

Imajući u vidu gore navedeno, obavještavamo Vas o sljedećem:

Federalno ministarstvo obrazovanja i nauke radi u punom kapacitetu u skladu sa koordinirajućom ulogom koju ima u oblasti obrazovanja na nivou Federacije Bosne i Hercegovine.

Proces pripremanja i odobravanja udžbenika za osnovnu i srednju školu je uređen Odlukom o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole, koju je donijela Koordinacija ministara obrazovanja i nauke u Federaciji Bosne i Hercegovine. Poznata Vam je činjenica da je Federalno ministarstvo obrazovanja i nauke još 2015. godine, u skladu sa koordinirajućom ulogom koju ima u kreiranju obrazovne politike, potpisalo Memorandum o razumijevanju za uspostavljanje Koordinacije ministara obrazovanja i nauke u Federaciji Bosne i Hercegovine, sa Ministarstvom za obrazovanje, nauku i mlade Kantona Sarajevo, Ministarstvom obrazovanja, nauke, kulture i sporta Tuzlanskog kantona, Ministarstvom obrazovanja, nauke, kulture i sporta Zeničko-dobojskog kantona, Ministarstvom obrazovanja, nauke, kulture i sporta Unsko-sanskog kantona, Ministarstvom za obrazovanje, mlade, nauku, kulturu i sport Bosansko-podrinjskog kantona i Ministarstvom obrazovanja, nauke, kulture i sporta Hercegovačko-neretvanskog kantona. Dakle, u cilju harmonizacije obrazovne politike, pa samim tim, naravno, i udžbeničke politike u Federaciji Bosne i Hercegovine formirana je Koordinacija ministara obrazovanja i nauke u Federaciji BiH, koju čine ministri obrazovanja, potpisnici gore navedenog Memoranduma.

